

19

3

# DEO OPTIMO MAX.

UNI ET TRINO,

VIRGINI DEI-PARÆ ET S. LUÆ,

Orthodoxorum Medicorum Patrono.

## QUÆSTIO MEDICA,

CARDINALITIIS DISPUTATIONIBUS

manè discutienda in Scholis Medicorum, die Martis secundâ Junii,  
anno Domini M. DCC. LXXVIII.

M. BENJAMINO · MICHAELI SOLIER DE LA ROMILLAIS,  
Anatomes & artis obstetriciæ in grâtiâ Matronarum Professore,  
Doctore Medico, Præside.

*An tum exoticis, tum indigenis Vinis, præcellat Campanum?*

### I.

**I**TA in omnibus vitæ necessariis naturæ manifestatur benignitas, ut pro variis regionibus, diversas & incolarum viribus adæquatas productiones homini dederit. Altius adhuc penetravit optimæ nostræ matris providentia, & in eâdem natione, omni quasi tempestate munerâ sua renovat & variis accommodat temperamentis. Hinc omnis regio non eisdem alit fructus: hic segetes, illic uvæ felicius adulescunt. Hinc, à telluris qualitate semper pendunt vegetabilium proprietates. Ea enim est hujus legis constantia, ut, si arborem quamdam è natali solo in aliud transferas, artem & operam perdis, & paulò post fructus ad naturam secundi, ut ita dicam, uteri, propriam accedunt. In poris varietatibus, non minor est naturæ sagax providentia. Multiplex potentiorum vel naturâ vel arte datorum exitit apparatus. Inter ea electionem ipsa indicat optima parens. Sic v. g. aqua, quamvis ad bonam alimentorum coctionem conferat, ut non eadem est in omnibus regionibus variâque qualitate donatur, pro diversis substantiis quas dissolvit, non sine cautelis quibusdam prescribi debet. Fermentati liquores, non æqualiter omnibus conducunt. Sic qui ex pomis exprimuntur minime conveniunt frigidis ventriculis, vel iis qui relaxantur aut relaxari facile queunt. Eadem fere est in usu cerevisiæ observatio. Vina vero, seu succi uvarum fermentati, magis inter se quam prædicti liquores conveniunt. Horum usu moderato, reparantur vires, senibus calor, spes, juvenile robur redeunt, fugit timor, nascitur audacia, ingenium acuitur, scintillat, ritèque interiùs functiones peraguntur ut explicata vultu læticia indicat.

### II

**V**INUM certè omnibus in circumstantiis non conveniret, ni tot fluerent hujusce liquoris species quot regiones, quin imo, quot regionum diversa fere puncta. Unde vero veniat tanta inter hos liquores

2

discrepantia, soli noverunt chemici. Horum enim ars quintuplicem invenit in vino partem, nempe, 1°. Aquam; 2°. Spiritum ardentem; 3°. substantiam mucoso - extractivam; 4°. tartarum; 5°. materiam colorantem. Horumce principiorum, varia est in ventriculo actio. Spiritus ardens exsiccat, calefacit. Pars mucosa nutrit. Tartarus incidit, aperit, diuretica que virtute pollet. Pars colorans acerbi saporis, adstringit, roborat; aqua hæc quatuor temperat, expandit. Hæc principia variâ quantitate existunt; aliud vel aliud abundantius esse potest. In vinis ebriantibus spiritus ardens alia superat principia & horum colorem alterat. In nutrientibus mucoso - extractiva substantia, in diureticis tartarus, in vappidis & debilibus aqua super abundare videntur. Omnia vero in generoso vino principia, eâ proportionem inter se combinari debent, ut liquor homogœneus, mixto sapore, nulliusque substantiæ prædominio scatens exurgat. In tali liquore, spiritus mucosam partem cum colorante dissolvit & miscet. Tartarus his intimè miscetur eaque principia magis solubilia reddit. His leviter perpensis variæ consierandæ nunc veniunt tum exoticæ, tum indigenæ vinorum species. Inter exotica, vinum Rhenarium & Mozellanum in Germaniâ benè audiunt, facile tamen inebriant; flavescens Hispaniæ vinum, & illud quod ex Alone (Gallicè Alicanthe) advehitur, inter cardiaca annumerantur, maximumque commodum conferunt, ubi dejiiciunt vires difficilisque perficitur digestio. Non immeritò gustantur post morbos graves, & præsertim cum ventriculi fibræ nimis relaxantur, ob nimiam debilitatem, vel cum illud organum majori quantitate pituitæ torpet. Varias autem inter regiones quæ vina produciunt, gallia certe meritâ se jactat laude quam ipsi confirmant extranei qui vina nostra magno prætio emunt. In eâ enim reperiuntur vina quæ omnibus facilius accommodari possunt temperamenti & quæ plurimis maximèque discrepantibus inter se dotibus gaudent. Sic Provinciarum meridionalium vina ad Italica quodam modo accedunt. Frontiniacæ eâdem fere qualitate ac Hispanica vina donantur, sed generaliter asserere possumus, horum usu sæpius repetito torrerî viscera, humores crassescere & immedicabiles in abdomine nasci obstructions. Vina quæ circa Burdigalum colliguntur, in usum venire non possunt, nisi plures post annos vel quando æquora semel bisque trajecerunt. Inter hæc album hystericiis vitandum, tartarus enim in hoc abundans, nervos vellicat, quæ propter illa non nisi avârâ manu distillari debent.

#### I I I.

**V**INA quæ in vicinis Lutetiæ locis crescunt, ab ipsis cultoribus, vel in sub-urbis ut plurimum hauriuntur. Colore nigro prædita, acerbò sapore palatum & fauces injucundè afficiunt, nullumque odorem redolent, nisi fimi quo enutrita fuit atque imbuta vitis. Non nulla tamen quâdam laude digna reperiuntur, talia sunt Andesiacum & illud quod in loco *Carriere* colligitur, quæ ultima plaga ob hanc causam, *parva Burgundia* nuncupatur. Ex indigenis autem vinis, nulla frequentius & cum majori oblectamento potantur quam Burgundum & Campanum. Hæc

duo inter se jam sæpiùs certarunt & hùc usque lis sub iudice fuit. Si vero illa simul comparemus, facile apparebit cui palma tribui debeat. Hic non afferam Campaniæ & Burgundiæ descriptionem. Nihil loquar de vario situ, de naturâ, superficie, solis aspectu & aliis quæ his duabus regionibus propria sunt; nam in horum investigatione, diversarum proprietatum causæ difficili labore assignarentur \*. Inter effectuum vero & principiorum momenta comparisonem instituere animus est. Burgundum vinum Campano majorem spiritûs quantitatem continere multis constat experimentis. Sæpiùs intensiori colore donatur sicut & consistentiâ majori, nec non copiosiori tartaro. Ex his concipere licet cur calorem nimium excitet, oris siccitatem & salivæ defectum producat. Facile adhuc patet, quo pacto diutius in ventriculo maneat lentioreque digestionem efficiat. Et hæc de rubro. Album verò Burgundum, grave, oleosa fluiditate brevi distinguitur, nimio, uti rubrum saturatur tartaro, & has ob qualitates, nullo fere honore & pretio præstat apud vinorum degustatores. Species tamen quædam albi Burgundi famigeratissima, quæ nempe in locis *Chably & Murceau* dictis paratur.

## I V.

**S**I nunc idem examen quoad vinum Campanum instituimus, breviter diversos in colore & aliis doribus characteres inveniemus. Vina rubra, qualia Verzenaicum, Syllerianum, Tessiacum, Monbrehum & alia, minorem reverâ Burgundo quantitatem spiritûs ardentis continent, sed simul leviori & nitidiori ornantur colore letiùsque rutilant. Minus adhuc consistunt, non tam copiosa deponitur in doliis tartari quantitas, fluidissimæ præ se ferunt laticem. Peculiaris & aromaticus odor, non minus suaviter in illis vinis nares afficit, quàm gustui sapor arridet, quibus proprietatibus præcipuè, Burgundo præcellunt. Exsurgunt inde utilissimi horumce vinorum in œconomia animali effectus. Ebrietatem levem faciliùsque discutiendam producunt. Breviter cessat cerebri & nervorum stupor. Grata excitatur in illis organis titillatio, unde leta quæ ab illius vini usu nascuntur pathemata. Ventriculus verò præcipuè utilem experitur Campani actionem. Fibra illius organi leniter agitantur, in contractionem sæpiùs cientur, majoremque acquirunt vim concoctricem, exquâ multiplex bonorum series œconomice corporis oritur. Alba Campaniæ vina, majori vel minori tono coloris gaudent, prout diutius in cupis deposita fuerunt \*. Sic enim per motum terementativum ex uvarum tunicis, pars colorans à musto dissolvitur. Inter hæc eminent præcipuè Altovillareum, Pierium, Ayacum & alia quæ circa *matronæ* ripas crescant. Hæc omnia levia sunt, facile digeruntur, ebrietatem letam & brevi dissipabilem producunt, diureticamque virtutem exerunt. Duplex est in genere horumce alborum vinorum classis, alia enim à chæmistis *gas* nuperrimè detecto impregnata & acidulo sapore donata, in spumam vel minimâ agitatione dilatantur. Horum frequentem usum damnare nulli dubitamus; status enim innumeros produciunt, vimque ventriculi digestivam frangunt. Alia vero rite fermentata non spumantia omnibus prædictis qualitatibus gaudent, nullisque omnino

\* Vide Dissertationem D. Rozier Abbatis, cui titulus: *Memoire sur la meilleure maniere de faire & de gouverner les vins, &c.*

\* Non nulla dicuntur: *petigris, pailles, couleur de rose, ail de perdrix, &c.*

incommodis afficitur vel frequens illorum usus. Mucosa illorum substantia peculiari silices quasi redolente, sapore instruitur, in qua præsertim Campani consistit generositas. Tandem adeò justam continent principiorum proportionem ut quamvis generatim non ad tantam vetustatem perveniant, tamen diutius integram & æquam servant partium substantialium combinationem.

## V.

**M**ULTA mala à Campano generari conclamant non pauci detractores. Videamus ergo, num inconcussis fundamentis nigrantur. Nervorum affectiones, arthritidem renumque calculum Campani usum sequi asserunt. Quoad primum morbum, nulla videtur in hoc vino causa quæ huic affectioni ansam prebere possit. Nullum enim observavimus principii cujuscunque prædominium, modicamque notavimus tartari quantitatem, qui quidem tartarus, si excederet, nervos afficere valeret. Non magis ad veritatem accedit de arthritide calculoque renum accusatio. Quin imo, observare est in locis ubi maxima potatur Campani quantitas, nullum fere vel podagra vel alio quocumque dolore arthritico detentum. Videretur potius, cerevisiæ ad instar à Sydenhamio commendatæ, podagæ paroxysmos remove & lenire ob virtutem aperitivam quæ excellit. Huic tandem paragrapho finem imponemus observando vinum album spumans, cujus aliundè usum sanitati noxium demonstravimus, in putridis morbis primarum & secundarum viarum levamen asserere, ob antisepticam, gas nuperrimè laudati, proprietatem. Ex his omnibus, tum à naturâ chemicâ vini Campani, tum ab illius effectuum observatione deductis, fas sit concludere :

*Ergo tum exoticis, tum indigenis Vinis, præcellit Campanum.*

## DOMINI DOCTORES DISCIPLINÆ MAGISTRI.

M. Guillelmus - Josephus DE L'EPINE, Antiquior Scholarum Magister, Antiquus Facultatis Dicanus, Academia Censor.

M. Petrus - Ludovicus - Maria MALOET, Galliarum Principum Medicus Primarius, & Regiæ Societate Medicâ Parisiensi pro Epidemici institutâ.

M. Joannes - Baptista BAI-  
GNÈRES.

## DOMINI DOCTORES DISPUTATURI.

M. Maria-Zorobabel MUNIER, Regis in Colonis Orientalibus nuper Medicus, Domus Regiæ Invalidorum Ducum & Militum Medicus à Rege designatus.

M. Claudius - Franciscus DUCHANOT.

M. Edmundus - Thomas MOREAU.

M. Deodatus JEANROY, Bibliothecæ Facultatis Præfectus designatus, & Regiæ Societate Medicâ Parisiensi pro Epidemici institutâ.

M. Claudius - Josephus GENTIL, Militarium Nosocomiorum ad Regis exercitum Medicus.

M. Ludovicus - Petrus - Felix Renatus LE THIEULLIER, Antiquus Facultatis Decanus, Regis Consiliarius & in Majori Consilio, nec non in Magnâ Regiâ Domus & Franciæ Præfectorum Medicus ordinarius.

Proponebat Parisiis HENRICUS - HERCULES CHAMPAGNE DUFRESNAY, Catalaunus, Saluberrimæ Facultatis Medicinæ Parisiensis Baccalaureus, Theſeos Auctor. A. R. S. H. 1778. AB OCTAVA AD MERIDIEM.